

重印大理府志

昆明顧視高
署籤



唐詩

五言古

題洱海臨水亭

閻丘均

高館基蒼山微幕坐芳艸傍對野村樹下臨車馬道清朗娛心術
幽遐備瞻討回合峯隱雲聯綿渚縈島氣似靈洲勝風爲清春好
相及勝年時無令嘆衰老

過遂久縣

劉 轡

百蠻亂南方郡盜如蝟起騷然疲中原征戰從此始白門太和城
來往一萬里去者無全生十人九人死代馬臥陽山燕兵哭瀘水
妻行求死夫父行求死子蒼天滿愁雲白骨積空壘哀哀師南行
十萬同已矣

送袁滋冊南詔

權德輿

由南使星去遠徹通朝聘煙雨棘道深麾幢漢儀盛途輕五尺嶮

水愛雙流淨上國洽恩波外臣遵禮命離堂駐驅馭且盡樽中聖

七言古

天威行

顧雲

蒼嶺高滄海闊去舸迴艘投此宿一夜舟人得夢間艸艸相呼一時發颶風怒起雲顛狂波濤擺掣魚龍殭海神迫急上岸走山靈股慄入室藏金蛇飛伏電閃過白日倒掛銀繩長轟轟訶訶雷車轉霹靂一聲天地戰風定雲開始望看萬里有天才四片車遙遙馬闐闐平如砥直如弦雲南八國萬部落皆知此路來朝天耿恭拜出井底水廣利刺開山上泉苦論終古濟物意二將之功皆小焉

折臂翁

白居易

新豐老人八十八頭鬢眉鬚皆似雪玄孫扶向店前行左臂憑肩右臂折問翁折臂來幾年兼問致折何因緣翁云貫屬新豐縣生

逢聖代無征戰慣聽梨園歌管聲不識旗鎗與弓箭無何天寶大
徵兵戶有三丁點一丁點得驅將何處去五月萬里雲南行聞道
雲南有瀘水椒花落時瘴煙起大軍徒涉水如湯未過十人二三
死村南村北哭啼哀兒別爺娘夫別妻皆云前後征蠻者千萬人
行無一回是時翁年二十四兵部牒中有名字夜深不敢使人知
偷將大石鎚折臂張弓簸旗俱不堪從茲始免征雲南骨碎筋傷
非不苦且圖檢退歸鄉土臂折來經六十年一肢雖廢一身全至
今風雨陰寒夜直到天明痛不眠痛不眠終不悔且喜老身今獨
在不然當時瀘水頭身死魂飛骨不收應作雲南望鄉鬼萬人塚
上哭呦呦老人言君聽取君不見開元宰相宋開府不賞邊功防
黷武又不聞天寶宰相楊國忠欲求恩倖立邊功邊功未立生人
怨請問新豐折臂翁

蠻子朝歌

白居易

汎皮船兮渡繩橋來自嵩州道路遙入界先經蜀川過蜀將收功
先表賀臣國雲南六詔蠻東連牂牁西連蕃六詔星居初瑣碎合
爲一詔漸疆大開元皇帝雖聖神唯蠻屈疆不來賓鮮于仲通六
萬卒征蠻一陣全軍沒至今西洱海岸邊箭孔刀痕滿枯骨誰知
今日慕華風不勞一人蠻自通誠由陛下休明德亦賴微臣誘諭
功德宗看表知如此笑令中使迎蠻子蠻子遵從來誰何摩挲俗
羽雙隈伽清平官持赤藤杖大將軍繫金祛嗟異牟尋勞尋閣勸
待勅召對延英殿上心貴在懷遠蠻引臨玉座近天顏冕旒下垂
親勞徠賜衣賜食移時對移時對不可得大臣相看有羨色可憐
宰相拖紫珮金章朝日唯聞對一刻

岩嵌綠玉

楊奇鯤

天孫昔謫下天綠霧鬢風鬟依艸木一朝騎鳳上丹霄翠翹花鈿
留空谷

五言律

寓蒼山送雍陶入蜀

賈島

江上事若諳那肯滯雲南艸色分危磴杉陰近古潭日斜褒谷鳥
夏淺雋州蠶吾自擬雙鬢相逢更不堪

七言律

御史杜光庭
灌縣人

一年一度喜春光及至秋來又感傷白日似風留不住青春如水
去何忙眼前有路同歸路身在他鄉憶故鄉若不傾心向真宰也
因憔悴鬢成霜

玉局山仙居觀

杜光庭

往歲真人朝玉皇四真三代住繁陽初開九鼎丹華熟繼躡五雲
天路長煙鎖翠嵐迷舊隱池凝寒鏡貯秋光時從白鹿岩前去應
許潛通不死鄉

七言絕

天威逕

高駢

豺狼坑盡卻朝天戰馬休嘶瘴嶺邊歸路險巖今坦蕩一條千里直如弦

哀蜀人爲南詔所俘

五首之三

雍陶

大渡河邊蠻亦愁漢人將渡盡回頭此中剩寄思鄉淚南去應無水北流

越雋城南無漢地傷心從此便爲蠻冤聲一慟悲風起雲暗青天日下山

雲南路出洱河曲塞艸長青暝色低但漸攀躋漸披豁一時收淚聽猿啼

南詔赤藤杖

赤藤非南詔所產

裴夷直

六節南藤色似朱拄行階砌勝人扶會須將入深山去倚看雲泉作老夫

南詔攻成都

徐凝

守隘一夫何處在長橋萬里只堪傷紛紛塞外烏蠻賊驅盡江頭
濯錦娘

遊東洱河

楊奇鯤

風裡浪花吹又白雨中嵐影洗還青江鷗聚處窗前見林狔啼時
枕上聽

元詩

五言古

蘭滄江

毛鉉

兩山高插雲巋然若天岸
艸樹綠相繆仰視天一線
中有一長江
江流急於箭亂石齟其中
噴激成飛霰客子何問津
雞鳴夜將旦
僕夫相顧愁舟揖恐失援
天明設此險永作邊城翰

七言古

翠盆疊嶂

李京

谷響人言溪路長
溪源未到覺泉香
三盆疊落淨於拭
崖根瀉玉迸成漿
潭心麗石明翠羽
精英彷彿碧釵股
卽非玉女洗頭盆
且飲僊人石鍾乳

瀑泉丸石

李京

翠壁千尋掛玉泉
盆隅激石幾千年
當時躍浪如龍馬
砥礪磨礱

變卻圓正練捲將高五尺須臾墜落潭花白如今任運自推移等閒占斷蛟龍宅

五言律

題龍關水樓

僧天祥

此樓登眺好終日俯平湖葉盡村村樹花殘岸岸蘆漁翁晴獨釣沙鳥晚相呼何處微鐘動雲藏島寺孤

七言律

遊玉局寺

都亭 李伯強

海風吹曉上層臺玉局僊人安在哉一帶山河無限好百年懷抱此時開菊從雨後都開遍鴈到秋深不肯來一曲浩歌歸興晚夕陽人影共徘徊

大理星回節

郎中 文章甫

雲披紅日恰銜山刻炬參差競往還萬朵蓮花開海市一天星斗

下人間只疑燈火燒元夜誰料鄉儺到兩關此日吾皇調玉燭更
於何處覓神姦

大理五華樓

宣司羅觀鹽陵人

世祖平南九十春蒼山花木幾枯榮曉寒海氣連雲溼夜靜鐘聲
帶月明滿目微茫疎雨寺幾家籬落夕陽城不堪樓上吊今古斷
鴈齒風兩袖輕

點蒼臨眺

李京

水繞青山山繞城萬家煙樹一川明鳥從雲母屏中過魚在鮫人
鏡裏行翡翠罽毼籠海氣海檀樓閣殷秋聲虎頭妙墨龍眠手百
燈生綃畫不成

又元日大理

李京

華胥國裏逢冬至點蒼山下見新年飲冰嚼檠將誰訴斷梗飛蓬
自可憐洱水北來明似鏡神州東望遠如天明此日知何處醉

燃寒梅一泫然。

李景山歸自南談點蒼之勝寄題

康里子

有客新從鶴拓回。自言曾上五華臺。蒼顏暑雪當窗見。玉脚晴雲對檻開。桂樹小山招隱士。桃花流水屬仙才。王孫芳艸年年綠。爲問占遊幾日陪。

天鏡閣

李京

檻外千峯插海波。笑蓉雙瑱玉嵯峨。銀山殿閣天中見。黑水帆橋鏡裏過。芳艸滄洲春思晚。野雲孤鶴客懷多。共誰一夜山堂月。洞口參差長薜蘿。

白崖道中

喬堅

一逕縈迴兩面山。吟旌恰值小春還。坡平有犢犁紅葉。水淺無船釣碧灣。痴子獨將官軟縛。忙人翻笑野雲閒。夜來爲愛梅花月。大敞東窗不許關。

題龍尾關驛壁二首

喬堅

蒼峯千丈玉槎牙，錦樹模糊噪晚鴉。
濁水難將明月浴，好山多被亂雲遮。
江村日落人爭渡，旅店年豐酒易賒。
可是炎方風景別，嚴冬開遍野桃花。

池上蒼山翠作堆，池邊花竹映樓臺。
夜喧燈火庖人語，地覆松花使客來。
戰馬不嘶關柵靜，哀猿無嘯瘴雲開。
征衣盡拂紅塵去，且向郵亭進酒杯。

△殉段平章難

楊淵海

半紙功名百戰身，不堪今日總紅塵。
死生自古皆由命，禍福於今豈怨人。
蝴蝶夢殘滇海月，杜鵑啼破點蒼春。
哀憐永訣雲南土，錦酒休教灑泪頻。

五言排律

龍首關

王明嗣

萬里雲南道壯哉龍首關氣吞齒洱水勢軋點蒼山天矯盤清秀
蜿蜒躍碧潏地靈吁可駭天險魏難攀井絡稱雄鎮坤維倚大閑
周章無六詔俯仰了羣蠻聖代提封闢元戎遴選難度遼推世胃
越嶲靖神姦虎節光推轂犀昆響賜環銘功崖畔石寧羨玉門班

西洱河

述律杰

洱水何雄壯源流自鄧川兩關龍首尾九曲勢蜿蜒大理城池固
金湯鐵石堅四洲從古號三島至今傳羅閣憑巖嶮蒙人恃極邊
要當兵十萬不數客三千世祖親征日初還一統天雨師清瘴癘
風伯掃氛煙民物因蕃富封疆近百年點蒼山色好銘刻尚依然

七言絕

○過浪穹果苴梁

清遠居士

山路陰陰木葉涼山村八月稱初黃野花零亂斜陽澹隔澗人家
煮酒香

榆城聽角

僧天祥

十年遊子在天涯。一夜秋風又憶家。
恨殺葉榆城上角。曉來吹入小梅花。

